



Bosna i Hercegovina
Federacija Bosne i Hercegovine
Kanton Sarajevo
Sarajevo, Obala Kulina Bana 9
tel: +387 33 445 138
e-mail: nps@bih.net.ba
website: www.npsa.org

URED DIREKTORA

Sarajevo, 19.11.2009.godine
Broj:

APEL

**DIREKTORA JU NARODNO POZORIŠTE SARAJEVO
ZA SPAS JEDINE OPERE U DRŽAVI
BOSNI I HERCEGOVINI**

Jedina operna kuća u državi Bosni i Hercegovini, a segment Opere u njoj, posebno, posljednjim nelogičnim, antikulturalnim i anticivilizacijskim gestom Kantona Sarajevo, koji je JU Narodno pozorište Sarajevo uskratilo 500.000,00 KM dovedena je na rub propasti, tihog umiranja i konačnog gašenja!

Upućujem javni apel kulturnoj javnosti države Bosne i Hercegovine za spas Opere Narodnog pozorišta Sarajevo, jedinog takvog umjetničkog tijela u državi Bosni i Hercegovini.

To činim sa sviješću da dosadašnji naponi da se sačuva operna umjetnost u državi Bosni i Hercegovini nisu naišli na logičnu potporu političkih struktura ove zemlje, koji ne samo da ne pokazuju afinitet prema opernoj umjetnosti, kao jednoj od temeljnih umjetničkih disciplina za prepoznavanje kulturnog identiteta jedne države, nego svojim nečinjenjem rade na gašenju jedine Opere u državi Bosni i Hercegovini.

Obraćanja predstavnicima vlasti, naši vapaji i apeli, dolazili su pred zatvorena vrata, začepljene uši, pred anticivilizacijsku arogantnost naše vlasti.

Pozivam sve ljubitelje operne umjetnosti u državi Bosni i Hercegovini, sve građane koji poštuju uspravni hod Opere Narodnog pozorišta Sarajevo kroz više od šest decenija ponosnog umjetničkog djelovanja, da u ovom trenutku dignu svoj glas protiv neodgovorne vlasti i da svak u granicama svojih mogućnosti pomognu spasu jedine operne kuće u državi Bosni i Hercegovini!

Opera Narodnog pozorišta Sarajevo u posljednjih pet godina nije napravila ozbiljnije gostovanje, niti u regionu, a kamo li gdje dalje. Ako jedina bosanskohercegovačka opera nema šanse da gostuje ni u Ilijašu i Vogošći, a kamo li u Zagrebu, Ljubljani, Parizu i Beču, onda je to ozbiljan znak za uzbunu zbog anticivilizacijske politike sadašnje vlasti.

Kao najodgovorniji čovjek u Narodnom pozorištu Sarajevo pozivam kulturnu javnost Bosne i Hercegovine da ne deklarativno, nego praktično pomogne spasu jedine operne kuće u našoj državi.

Direktor Narodnog pozorišta

Profesor Gradimir Gojer